

明清史料

乙編 第二本

(96356·1B2)

明 清 史 料
乙 十
編 本

究必印翻有所權版

中華民國二十五年六月初版

全部連布 定價國幣玖元
第二本 定價國幣玖角
外埠酌加運費匯費

編輯者

國立中央研究院歷史語言研究所

發行人

王雲五
上海河南路

印刷所

商務印書館
上海河南路

發行所

商務印書館
上海及各埠

平

明清史料目錄

乙編第二本

一百〇一至二百葉

戶科外抄宣鎮監視王坤題本

一〇一

戶科外抄戶部尙書侯恂等題本

一二九

兵部題行「山東巡按謝三賓塘報」稿

一〇三

兵部題行「宣府巡撫焦源清塘報」稿

一三三

孔有德耿仲明遁海殘稿

一〇三

兵科抄出宣鎮監視王坤題本

一三四

兵科抄出宣鎮監視王坤題本

一〇四

兵部行「兵科抄出宣鎮監視王坤題」稿

一三六

兵部題行「失名會同宣府巡撫焦源清等題」稿

一〇五

兵科抄出東江總兵沈世魁奏本

一三八

一〇六

戶科外抄登島監視魏相奏本

一三〇

旅順已失殘稿

一〇八

禮科外抄寧錦監視高起潛題本

一三三

兵部行「御批寧錦監視高起潛題」稿

一〇〇

兵部題行「兵科抄出山東巡撫朱大典題」稿

一三三

兵部行「遼東巡撫方一藻塘報」稿

一一二

兵科抄出宣鎮監視王坤題本

一三四

謝三賓賀獲賊渠毛承祿副啓

一一三

兵科抄出革任候擬遼東團練鎮總兵吳襄奏本

一三五

兵科抄出寧夏巡撫王振奇奏本

一一三

兵部行「兵科抄出宣鎮監視王坤題」稿

一二七

兵科抄出宣鎮監視王坤題本

一二四

兵科抄出宣府監視盧維寧題本

一三八

戶科外抄督理關外糧儲曹夢吉奏本

一二七

兵部題行「宣大總督楊嗣昌火牌」稿 一三九

兵部題行「延綏總兵王承恩塘報」稿 一四〇

兵科抄出宣府巡撫陳新甲題本 一四一

兵科抄出宣府巡撫陳新甲題本 一四二

兵部題「御前發下宣大總督梁廷棟題」殘稿 一四三

兵科抄出浙江山陰縣生員錢充國奏本 一四四

兵部題行「東江總兵沈世魁呈」稿 一四六

兵部行「大同巡撫葉廷桂咨」稿 一四九

兵部題行「兵科抄出昌宣分監王夢弼題」稿 一五〇

兵科抄出宣府巡撫劉永祚題本 一五一

兵部行「兵科抄出宣大總督盧象昇題」稿 一五二

兵部題行「兵科抄出宣大巡按林銘球題」稿 一五五

兵部題行「宣府巡撫劉永祚塘報」稿 一五七

兵部行「兵科抄出昌宣分守王夢弼題」稿 一五九

兵部行「兵科抄出昌宣分守王題」稿 一六〇

兵部行「山西巡撫吳姓咨」稿 一六一

兵部題行「兵科抄出大同山西分守牛文炳題」稿 一六二

兵科抄出遼東巡撫方一藻題本 一六三

兵部題行「兵科抄出宣大巡按林銘球題」稿 一六五

兵科抄出天津巡撫賀世壽題本 一六八

兵部題行「兵科抄出昌宣分守王夢弼題」稿 一六九

兵科抄出遼東巡撫方一藻題本 一七〇

兵科抄出薊遼總督張福臻題本 一七一

兵部行「兵科抄出大同山西總監陳貴題」稿 一七三

兵部題「兵科抄出山東巡撫顏繼祖題」稿 一七

兵部題行「兵科抄出宣府總兵楊國柱題」稿

一六

戶科外抄山東巡撫顏繼祖題本

一七

兵科抄出遼東巡撫方一藻題本

一八

戶科外抄登萊巡撫楊文岳題本

一九

兵部題「大同巡撫葉廷桂塘報」稿

二〇

兵部題行「兵科抄出宣府巡撫劉永祚奏」稿

二一

兵部題「兵科抄出本部題覆大同山西總監陳貴

題」稿

二二

兵部題行「兵科抄出宣府巡撫劉永祚奏」稿

二三

兵部題行「兵科抄出宣府巡撫劉永祚題」稿

二四

兵部題行「兵科抄出大同山西總監陳貴奏」稿

二五

兵部題行「兵科抄出本部員外郎魏公韓奏」稿

二六

明清史料

乙編第二本

一百〇一至二百葉

戶科外抄宣鎮監視王坤題本

崇禎六年正月二十六日到移戶部兵部呈于兵科抄出戶科外抄

欽差監視宣鎮糧餉兵馬邊牆撫賞等事御馬監太監今降級戴罪管事臣王坤謹題爲嚴疆綢繆當急軍馬單薄可憂切臣報國心長濟時識淺敬陳一得竊效芻蕘事臣受皇上畀以監視重任寤寐不忘邊計顧茲宣鎮值東夷西虜交訌之日隄閑最急其間軍馬逃亡補緝宜亟近日軍馬比之原額已不登矣實在官軍止有六萬六千八百四十六員名馬羸駝驢止有一萬一千六十五匹頭隻分守七十八處城堡聚之則衆散之則寡愈見零星之不足也向來額設糧草均在餉司給發今以故軍倒馬之糧草報扣在庫者卽以此算與見在之軍馬以充糧草此義固誠善也但軍設日消一日而缺伍不補馬日倒一日而虛厯不充不幾營隊漸聽空虛何所恃而不恐也若有謀國之慮者必不然也愚臣管見將扣下逃亡事故之軍餉仍使之招軍倒壞馬匹之料價卽使買馬餉部原設軍民兩運之錢糧仍照舊給發不得將截扣之數抵充正額庶內外兼修軍威壯盛隊伍嚴齊戰守有賴于狗鼠之虞可杜乃有備無患之義也伏乞皇上鑒督膚誠勅下戶部將歲給宣鎮額設錢糧一照舊規給發不許那移借用致滋繁弊仍移會撫鎮道府如有扣下逃亡事故之軍糧隨使補軍以備防守如有扣下倒斃馬料銀兩卽令買馬以備騎射軍馬務求精壯遇警用資戰守若仍沿習陋弊聽臣查參則疆場之幸社稷之慶也緣係云云謹題請旨崇禎六年正月二十三日奉聖旨該部看議具覆

兵部題行「山東巡按謝三賓塘報」稿 辰字八百二十七號堂稿寫訖姚明銓承

兵部署部事左侍郎臣楊等謹題爲塘報事職方清吏司案呈奉本部送據山東巡按謝三賓塘報十月初四日據塘報官張世烈報稱本日未時□所□的賊船俱回進水城未知內裏裝載何物又未知是否空船各總鎮加砲攻打未得打中又有各總鎮爭砲之多寡同高太府查理惟有陳總鎮砲四十二尊其餘三二十尊不等至酉時方散又據總兵劉澤清爲塘報賊船回城事本月初四日據招練副將丘磊下守備魏國臣報稱丘副將督兵正在修濠正北望見珍珠門有船隻許多揚帆而南等情除一面馳報兩院太府一面督令大砲上鎮山果係初二□賊船自島歸城歷數大小二十六船卽同高太□總兵陳洪範吳襄金國奇催令大砲指船射□賊乘順風長潮入門又據參將王之富塘報稱初四日未時有賊船二十餘隻卑職用大小火砲疊打數陣賊船住至天橋迤外見我砲打的緊了賊將船上人用小脚船擺上岸來天橋外還有船數隻未知打壞否有祖參將馬兵埋伏卑職將砲運至近處疊打旱城北門賊騎盡發出來卑職用砲一□□船一面打賊將賊騎打的亂跑落馬不知多少□據王之富塘報稱初四日二更時有本院差官傳令卑職選善能水手下水燒船卑職遵令卽選水手五十名每兵各備火礮火箭萬人敵前至天橋口俱各脫衣下水水深浪大難行賊已知覺城上用火砲打來城內賊亂喊發出人來站城船上亦吶喊卑職水手不能前進至四更方回于初五日五更時分哨見牆外有五人卑職督官兵拿獲五人口是海內黃總鎮船上的被李九成賊船拿去卑職審得未□的確未知投降亦未知聽靜又據副總兵吳安邦塘報稱崇禎五年十月初四日巳時本職正在海口調船堵剿叛賊不意颶風大作難以飛渡遙見海上漂浮木段似有人狀卽差船兵往撈救護三人查問一名

孫有慶係水中營什長一名鮑仁係水中營兵一名史東河係三山營兵供稱十月初三日寅時有賊舡三十餘隻繇
□□海口上岸至長山頭俱戴盔甲及刀箭賊云遼人另過一邊□兵另過一邊有東鎮龔副將帶來遼人卽投戈歸
順擄去萊州白參將并帶來川兵及壞船兵俱被擄獲賊稱登州糧米將盡因見兵船打壞得來迎敵我不害你們水
城有船二百餘隻無人撐駕正要你們船上使用復令衆人將所擄海洋糧米搬運等語小的幸得大木浮海得生又
據塘報張守節報稱有大營擒獲在□逃出川兵二人口稱登城糧米儘有惟缺馬草船隻共有二百餘隻少人撐駕
今川兵已解都院訖各等情到職據此查得本月初二日巳時職與叛賊海洋抵截薄暮始得收船灣子口隨於初三
日早卽令海防中軍周陞速撥唬船三隻前往雀兒嘴接渡壞船官兵因西北颶風大作船多磕損勢難開行不意竟
爲叛賊所乘又本日午時本職望見出海賊船盡復揚帆而來卽傳□各船設備□截奈風潮甚逆人力不能與爭各
賊船復竄□□城矣爲照叛賊之出海非爲勢迫長往而逃實□□□□單弱而率衆（下缺）

孔有德耿仲明遁海殘稿

(上缺)象等七名僞參將邵雲龍郎永昌等□□□管頭目高世勳聶成功李得功崔得□□四名僞旗鼓鄒遇勝僞千總匡伯豹又認出頭目首級共九十三顆而逆賊之精銳大半已盡是矣查將領□奪墻死者有副將王之富百戶李之英等八員□攻城死者有副將王來聘守備吳雲鵬把總陳□功等六員他如總鎮吳襄副將劉邦域等被傷□下四十員亦可謂捐糜用命出死力以報我皇上者矣據難民口供孔有德以十三日遁海□□明以十六夜遁海此皆初九日環攻以後勢窮□□□而乘間潛逃者耳隨責成吳安邦彭有謨陶曾齡等鼓奮□剿移檄黃龍給發兵餉令其催促關□兵舡與副將周文郁合哨相機追剿外自是東□疆土悉歸版輿而瀚海子遺永除汙穢此皆我皇上神謨天縱廟堂謀斷兼資監按文武諸臣同心戮力鼓奮爭先乃于三日之間聯收大捷至于微臣二城雖復兩渠尙通惟有席(○)聽候處□□祈罷免但此正督率辦賊之時容臣另疏□□既經各該鎮道塘報前來理合據報具題伏祈勅下兵部照例查核彙敘施行緣係云云謹題請旨崇禎六年三月初九日奉聖旨兵部知道欽此欽遵抄出到部送司案呈到部擬合就行爲此一咨都察院合咨(下缺)

兵科抄出宣鎮監視王坤題本 崇禎六年五月二十七日抄送奉旨五日爲期應次月初二日覈奏不應抄傳兵部呈于兵科抄出

欽差監視宣鎮糧餉兵馬邊牆撫賞等事御馬監太監今降級戴罪管事臣王坤謹題爲遵旨查明具奏事崇禎六年四月二十二日准兵部手本職方清吏司案呈崇禎六年四月十六日奉本部送兵科抄出監視大同太監劉文忠題爲直述妄報情形並參邀功媚弁懇祈聖明亟賜重究以正軍法事內稱准兵部咨內開宣鎮監視王坤題爲塘報夷情事等因崇禎六年三月十二日奉聖旨兵部知道本內迎恩堡虜入搶掠數日方行出口向來各報何未說明並著查議具奏欽此欽遵備咨監視衙門該監臣題前事等因崇禎六年四月十五日奉聖旨王洪妄報情繇著王坤查明具奏該衙門知道欽此欽遵備移到臣准此臣卽案仰下西路參將查國寧行拘通官王洪審查前報夷情明確解報去後隨據查國寧稟解王洪前來審拘揭開本年二月初七日寅時馬步賊夷一千有餘從迎恩堡西邊十四台空進口將十四台十五台墩軍趕在台下圈內砍死一名不許傳烽賊分二股一股騎邊劄營一股四散搶掠南北四十餘里東西三十餘里窯堡村鋪二十餘處直至平虜城南門守備馬化蛟時署參將事務帶領官丁出城在石堂內與賊對敵被傷一槍二箭陣亡把總一員重傷把總一員王守備被傷二刀一箭陣亡軍丁九十五名殺死二十八名口搶去男婦女一十九名口搶趕牛驢羊共四千五百有餘頭隻本日酉時出口後於二三四月內在殺胡右衛各邊口逃回原搶去王祿白才王小川盧一樊等妻四口進邊可證具揭到臣據此猶恐不的仍差官丁復行密訪前至迎恩堡把門人役不容進堡隨到平虜城訪得精兵達賊二千有餘步賊千餘于本年二月初七日卯時從迎恩堡邊西空拆牆進口並無傳烽該堡守備王謨護守城池閉門不出有阻胡堡操守薛興國聞警帶領家丁與賊迎敵被賊砍射

重傷搶殺蔣家坪龔家窯子郭成禮窯子張家口子乾溝子閻王窯子等村曠窯窖六十餘處搶至平虜城南門外趕殺担水男子一名棄桶跑入城內喊叫門軍方纔上門若非担水男子入叫達賊搶入城內人還不知守備馬化蛟因署參將事帶領官丁在于吳朗窯子與賊對敵賊將馬化蛟射砍重傷殺死援兵營把總官一員夏紀陣亡旗軍王全等二十三名搶殺地方寬長四十餘里殺死老弱幼小男婦不知其數搶去精壯青年男婦大約七八百餘名口牛羊馬驢三千有餘其精兵達子在于平虜城西瓦窯割營步賊將搶掠人畜趕送至初八日寅時方完起營仍從原口出邊等情揭報各到臣前後開報微有不同總稽失事之重輕以分偵報之虛實蓋臣以今春哨報插會復回歸化屢有宰生到市口討賞宣鎮諸臣遵旨講響責以大義彼皆詞窮而去不虞二月間則有插犯大同之報夫迎恩距宣幾何寧無震競之患也適值其時又有逆奴西行羽書狎至臣星檄沿邊將備清壁戒嚴四出遠撥贊相安攘而已豈有苛求哉臣得參將查國寧塘報事關夷情孰敢隱匿故即上聞實不知與雲鎮之報懸殊矣然此一役所關匪渺如其果確罪有攸歸如其未的罪在妄報於臣何尤蓋臣據事入告文忠斥臣孟浪簧鼓誠爲遜詞奚可塗飾其欺蔽也乃不知水落石出到底要露文忠又引陳全以方王洪是自重一罪案也謹將訪單二摺恭進御覽必動聖情垂憫搶殺捆載之慘伏乞勅下該部從公覆核以明邊臣隱匿失事之戒庶軍務清而守禦有藉矣緣係云云謹題請旨崇禎六年五月二十六日奉聖旨據查迎恩等堡失事重大與該鎮所報懸殊是何情緣兵部確覈具奏

隨本稟帖

兵部呈於兵科抄出

小的韓通謹稟小的遵諭於五月初十日未時到迎恩堡把門人役不容進堡十一日進

平虜城密訪得精兵達賊二千有餘步賊千餘於本年二月初七日卯時從迎恩堡邊西空拆牆進口並無傳烽該堡

守備王謨護守城池閉門不出有阻胡堡操守薛興國（開）驚聞帶領家丁與賊迎敵被賊砍射重傷被達賊搶殺蔣家屏
龔家審子郭成禮審子張家口子乾溝子閻王審子等村曠審審六十餘處搶至平虜城南門迎遇担水男子一名被
賊趕殺担水男子棄桶跑入城內吆叫門軍方纔上門若非担水男子入城吆叫達賊搶入城內人還不知門軍報與
守備馬化蛟因署叅將事帶領官丁在於吳朗審子與賊對敵被賊將馬化蛟射砍重傷殺死援兵營把總一員夏紀
旗軍王全李海呂貫趙成楊廷溫廷銳大劉成王友忠賀長子胡國先張奉霍仲祥郭太丁世青劉羽喬來保李進夏
王鸞王現任志張青張進禮韓廷臣共二十三名見立刻石碑可憑搶殺寬長四十餘里除殺死躲藏老弱幼小男婦
不知其數搶去精壯青年男婦大約七八百餘牛羊馬驢三千有餘精兵達子在於平虜城西瓦審割營步賊將搶掠
人畜趕送至初八日寅時方完起營仍由本口出邊平虜馬守備王守備朦隱止報搶掠村曠審審一十七處並無傷
殺搶掠人畜理合稟報崇禎六年五月二十六日下

隨本稟帖

兵部呈於兵科抄出

探報通丁王洪謹稟小的往彼探聽得於本年二月初七日寅時有賊夷馬步約共千餘

名從迎恩堡邊十四台空進口將十四台十五台墩軍趕在十四台下圈在一處砍死一名不許傳烽賊夷分爲二股
一股騎邊割營一股四散搶掠到劉家審搶去白五才妻郭氏等十四名口並子小烈子呂小子殺死王九恩等男五
名婦人一口趕去牛驢六十有餘羊一百有餘迎恩堡王守備出堡與賊對敵將守備砍二刀中一箭砍死軍丁王加
單科等一十七名郭家審方家審二處搶去牛驢羊二百三十有餘鄭家山高秀才等家搶去馬驢牛驢二百羊一千
陣亡軍三十七名朱家堡白草平二處搶去牛羊一百五十有餘陰家莊李員外等家搶去驢牛羊一千有餘高石莊

劉貨浪窰二處搶去牛一百有餘王浪窰黃良寺二處搶去牛羊二百五十有餘郭存林窰郭商人搶去妻二口牛八隻羊四百有餘汪家村千總王指揮搶去牛驢二十有餘羊四百有餘水佛寺搶去牛驢羊一百一十有餘西水溝搶去楊旗牌幼女一口牛驢六十有餘至平虜衛教場井上砍死担水人一名有馬守備帶領官丁出城在石堂內與賊對敵將守備中一槍二箭陣亡夏把總一員重傷張把總一員陣亡軍丁高守訓等五十八名砍死賣香油酒客人三名正北一正北二二道梁三處搶去牛驢羊二百五十有餘前水舖後水舖二處搶去牛羊一百七十有餘賊夷搶到東至東瓦梁南至南帳子西至邊北至後水溝南北遠四十里東西遠三十里酉時出口又有搶出口去的婦人二月十七日王祿妻從殺胡邊進口三月二十一日白五才妻從右衛邊十五台進口四月十六日王小川妻從殺胡邊進口四月二十六日從殺胡邊逃進婦人一口崇禎六□□□□□□□□□□

兵部題行「失名會同宣府巡撫焦源清等題」稿

(上缺)該撫鎮上緊實圖愆備固圍伸威不得泄視取罪欽此欽遵備移到監移會本道煩照明旨內事理欽遵立刻查明希復會奏仍上緊實圖愆備固圍伸威蒙此隨行委上北路同知阮維岳下北路通判李日新親往鎮安牧馬邊界會查三月二十九日賊夷入犯原從某堡邊口出入係何部落的有若干官軍對敵殺傷某堡軍民婦女各若干搶去牛馬各若干奪回各若干中間有無隱匿情弊據實勘查明確無得庇護速詳遵該阮同知李通判從公會查得鎮安牧馬之間牆外四十里許有敖目即溫布零夷百餘人倚深林邃洞射獵爲生逐之則如鼠入穴今三月二十九日入掠之夷即其種也此部落確據也牧馬之北爲北高山有墩名永鎮墩鎮安之南與牧馬接界名破虜墩界在中而兩墩相去不上三里望之不見其形呼之不聞其聲賊從此扒入牆而望其山下則爲雲州所管煙子衝順衝而行五里許橫過一溝至鎮安所管施家嵯本日賊入之時各墩發號各堡皆知鎮安至破虜墩十五里守備李胤夔領軍馬先至截其歸路遇賊瞭望者四五十人與之射敵敵三合而軍丁受傷者一十九人傷賊亦頗相當未分勝負及鎮安鄉兵續至賊不能支又見雲州守備李孔胤牧馬堡守防曹三雄官兵相隨繼至乃于牧馬界內拆牆奔出將所掠牛馬盡數奪回今鎮安所報奪回馬七匹牛一十四隻刀甲等物雲州所報奪回牛一隻是也雲州牧馬所以繼至者雲州離此處五十里牧馬離此處三十里也於煙子衝殺傷巡溝軍丁一名種地人二名掠馬二匹一被賊夷騎去一被鎮安奪回射劫路行婦人一口於施家嵯殺死路行人一名掠鎮安耕地牛一十四隻本堡官軍奪回內雲州奪回一隻射傷并殺死牧馬軍丁共八人掠馬七匹一被賊夷騎去六被鎮安奪回此失事之情形也隨審得賊夷竊入各堡瞭

望皆明傳烽皆速止因路有遠近到有後先而官軍皆係當面之傷無敢退縮所掠牛馬俱已奪回楚失弓而楚得之三堡犬牙誼當○援皆無容深求也緣絲呈詳到道該本道隨提一千失事疎玩員役逐一細加嚴審覆看得邊防惟以一賊不入爲功遇寇第以盡力擒斬稱勇此番鎮安牧馬之竊雖云瞭望皆明烽火皆速救援皆已各到牛馬皆已奪回但徒有堵截之勞未見斬獲之績卽云射傷夷人拖出牆外亦豈借口哉况對敵受傷軍丁十九人殺死八人又射傷耕種男婦四人各弁何辭失事之罪合當罰治以警將來至於兩路叅將獨石相離九十里龍門相離六十里及統兵援至而賊已出口矣鞭長不及馬腹合無免議殺傷軍民分別優卹協援鄉兵均應倍賞除守備李胤夔防守曹三雄俱各照例另叅外今將大伏等取問罪犯四名姜貴年四十歲趙登州三十二歲高世金三十九歲黃敖三十五歲俱係軍各招同一十八名李的科年三十六歲王仲良四十歲郭欽三十七歲蕭興四十五歲劉廷貴四十九歲王守臣二十七歲生輝三十歲王宗舜四十歲秦州三十五歲馬天才四十歲王欽四十歲張宣四十歲劉汝貴三十二歲侯帽氈二十五歲暢智三十二歲王爵二十七歲張國臣三十九歲俱係軍張元勳係開平衛左所世襲副千戶各供同議得趙大伏姜貴趙登州高世金黃敖各所犯俱合依不應得爲而爲之事理重者律各杖八十俱有大誥減等各杖七十俱係軍審趙大伏趙登州高世金稍有力姜貴黃敖各無力各依律例贖決與守備李胤夔防守曹三雄俱各照例罰米完日發落緣係奉旨勘查事理伏候允示施行一照出李胤夔曹三雄各該官紙銀二錢五分趙大伏姜貴趙登州高世金黃敖各民紙銀一錢趙大伏高世金趙登州各又該工價銀一兩三錢五分李胤夔曹三雄各該米折銀三兩五錢俱追解萬億庫抵充軍餉招斷牧馬堡雲州各被賊夷搶去官馬一匹相應責令兩堡各自買補其